

唐詩歸

廿七之三十一



					漢書門類
				一〇九	
			三八		
			一三		
			一		
			冊架		

庫	文	閣	内	
三九	一	一	一	漢書
函	一	〇		
一	一	九		
冊架	冊	號	類	

内閣文庫	
番號	漢 11109
冊數	11( 9 )
函號	319 120

詩歸十四



糊などで貼り付けられている部分がめくれない箇所あり





唐詩歸第二十七卷目錄

中唐三

耿滯

之江淮留別京中親故 題莊上人

房 過三郊驛却寄楊評事時

此子郭令公欲有表薦 春日即事

夜尋盧處士 留別解縣韓明府

寒蜂采菊藥 仙山行

王建



唐詩歸 卷二十七目錄



留別舍弟 送同學故人 田家留客

春去曲 鏡聽詞 射虎行

送人遊塞 杜中丞書院新移小竹

新嫁娘 宮詞 又

又 又 又

又 又 又

李端

九日贈司空文明 題從叔流

林圖 送宋校書赴宣州幕

送張淑歸覲叔父 題元注

長安書事寄盧綸 聽事

嚴維

自雲陽歸晚泊陸澧宅 酬諸公宿

鏡水宅

李益

與僧法振同賦應門照綠苔 罷鏡

入南山金師蘭若 送同落弟

東歸 各源溪期張計不至



江南詞

荅廣宣供奉問蘭陵居

從軍北征

權德輿

題嚴陵釣臺 月夜江行

豐城劍池

司空曙

擬百勞歌

留盧秦卿

江村即事

戎昱

漢上題常氏莊

于鵠

秦越人洞中詠

途中寄

惜花

春山居

遊瀑泉寺

送遷客

古詞

又

崔峒

登蔣山開善寺

江南回逢

趙曜因送任十一赴交城主簿

羊士諤

息舟荆溪入陽羨南山遊善權寺呈李

曹功

暢當



居山居酬帝蘇州見寄

天柱隱所

重荅江州應物

釣渚亭

宿潭上

姚係

楊參軍莊送宇文邈

秋夕會友

送陸渾主簿趙宗儒之任

李湛

興福寺

唐詩歸二十七卷目錄終

唐詩歸第二十七卷

景陵 鍾惺伯敬 同選定  
譚元春友夏

中唐三

耿滄

○之江淮留別京中親故

長雲迷一鴈漸遠向南聲鍾云此聲字已帶千

霜鬢初為萬里行繁蟲滿夜草連雨暗秋城前

路諸侯貴何人重客卿



題莊上人房

不語焚香坐，心知道已成。流年衰此世，定力見他生。暮雪餘春冷，寒燈獨晝明。尋常五侯至，敢望下階迎。

過三郊驛却寄楊評事時此子郭令公欲有表薦

冉冉青衫客，悠悠白髮人。亂山孤驛暮，長路百花新。終歲行他縣，全家望此身。更思君去就，譚云

語意鄭重。在去就二字。早晚問平津。

春日即事

隣里朝光遍，披衣夜醉醒。庖厨非舊火，林木發新青。接果移天性，鍾云瑣瑣細事。下語厚重如此。疏泉逐地形。清明來幾日，戴勝已堪聽。

夜尋盧處士 一作丘爲

月高雞犬靜，門掩向寒塘。夜竹深茅宇，秋庭冷石牀。住山年已遠，服藥壽偏長。虛棄如吾者，逢君益自傷。

留別解縣韓明府



閒人州縣厭賤士友朋譏譚云深於遊道之言朔雪逢初  
下秦關獨暮歸寒茅下原淺殘雨過風微一路  
何相慰唯君能政稀

○寒蜂採菊藥

遊颺下晴空尋芳到菊叢帶聲來藥上連影在  
香中鍾云帶聲細甚下句之妙却又在在香中三字去住霑餘霧高低  
順過風譚云順字細終慚異蝴蝶不與夢魂通

○仙山行

深溪人不到杖策獨緣源花落尋無徑雞鳴覺

近村數翁皆藉草對奕復傾樽看畢初爲局  
逢幾世孫雲迷入洞處水別出山門惆悵歸城  
郭樵柯迹尚存

王建

○留別舍弟

鍾云至真至閒元氣到底

孤賤相長育未曾爲遠遊誰不重歡愛晨昏闕  
珍羞出門念衣單草木當窮秋鍾云只說草木人意難堪不必  
矣非疾有憂歎實爲人子尤世情本難合對面



隔山丘。况復干戈地。儒夫何所投。鍾云語悲與

爾俱長成。尚為溝壑憂。豈非輕歲月。少小不勤

修。譚云自此以下原所以出門離別從今解思

量。勉力謀善猷。伊得成爾身。衣食寧我求。固合

受此訓。墮慢為身羞。歲暮當歸來。慎莫懷遠遊。

○送同學故人

鍾云一段交情。覺同學少年多不賤語

欠厚。

各為四方人。此地同事師。業成有先後。不得長

相隨。出林多。道路緣岡復。遶陂念君辛苦行。令

我形體疲。黃葉墮車前。四散當此時。亭上夜蕭

索。山風水離離。

○田家留客

鍾云似直述田父口中語。不添一字。

人客少能留我屋。客有新漿馬有粟。遠行僮僕

應苦饑。新婦厨中炊欲熟。不嫌田家破門戶。蚕

房新泥無夙土。行人但飲莫畏貧。明府上來可

苦辛。丁寧回語屋中妻。有客勿令兒夜啼。雙塚



直西有縣路。我教丁男送君去。

○春去曲

春已去花亦不知春去處。譚云微綠岡繞澗却歸來。百迴看着無花樹。就中一夜東風惡。收紅拾紫無遺落。老夫不比少年兒。不中數與春別離。

鍾云不中二字。用俗語妙。

○鏡聽詞

重重摩挲嫁時鏡。鍾云嫁時二字。有意。夫婿遠行憑鏡聽。回身不遣別人知。人意丁寧鏡神聖。懷中收拾

雙錦帶。恐畏街頭見。驚怪嗟嗟。嗒嗒下堂階。獨

自竈前來跪。拜出門願不聞悲哀。郎在任郎回

未回。月明地上人。過盡好語多。同皆道來。鍾云口齒

情事卷帷上牀喜定定。與郎裁衣失。翻正可中。

在目三日得相見。重繡鏡囊磨鏡面。

○射虎行

自去射虎得虎歸。官差射虎得虎遲。獨行以死當虎命。兩人相疑終不定。朝朝暮暮空手回。山下綠苗成道徑。遠立不教汗箭鏃。聞死還來分



虎肉惜留猛虎着深山射殺恐畏終身閒鍾云寫出

健兒情形

鍾云有激之言字字痛切似為千古朝事邊事寫一招狀

○送人遊塞

初晴天墮絲晚色上春枝城下路分處邊頭人去時停車數行日勸酒問回期亦是茫茫客還從此別離

○杜中丞書院新移小竹

此地本無竹遠從山寺移經年求養法隔日記澆時嫩綠卷新葉殘黃收故枝色經寒不動聲與靜相宜愛護出常數稀稠看自知貧家緣未有客散獨行遲

鍾云從一段辛勤寫出幽性

○新嫁娘

三日入厨下洗手作羹湯未諳姑食性先遣小姑嘗

○宮詞

中唐三



羅衫葉葉繡重重。金鳳銀鵝各一叢。每遍舞時分兩向。太平萬歲字當中。鍾云事淺而慧

○又

城東北面望雲樓。半下珠簾半上鈎。騎馬行人長遠過。恐防天子在樓頭。

鍾云二首寫出女郎解事承應光景。

○又

射生宫女宿紅粧。請得新弓各自張。臨上馬時齊賜酒。男兒跪拜謝君王。

鍾云爽而媚

○又

私縫黃帔捨釵梳。欲得金仙觀內居。近被君王知識字。收來案上檢文書。

○又

水中芹葉土中花。拾得還將避衆家。總待別人般數盡。袖中拈出鬱金芽。

○又

鍾云王建宮詞。非宮怨也。此首微有怨。



意然亦深

樹頭樹底覓殘紅。一片西飛一片東。自是桃花

貪結子。鍾云翻得奇。又是至理。錯教人恨五更風。

李端

○九日贈司空文明

我有惆悵詞待君醉時說。譚云便悲。長來逢九日。難

與菊花別。摘却正開花。暫言花未發。

○題從叔流林園

阮宅閒園暮。窓中見樹陰。樵歌依遠草。僧語過

長林。鳥上花間井。人彈竹裏琴。自嫌身未老。已有住山心。

○送宋校書赴宣州幕

浮舟壓芳草。鍾云看得出。容裔逐江春。遠避看書吏。

行當入幕賓。夜潮衝老樹。曉雨破輕蘋。鴛鴦多

傷別。樂家德在人。鍾云收得法老。

○送張淑歸覲叔父

日慘長亭暮。天高大澤閒。風中聞草木。雪裏見

江山。馬向塞雲去。人隨古道遠。阮家今夜樂。應

還



在竹林間

○題元注林園

謝家門館似山林，碧石青苔滿樹陰。  
乳鵲吟巢花巷靜，鳴鳩鼓翼竹園深。  
桔槔轉水兼通藥，方丈留僧共聽琴。  
獨有野人箕踞慣，過君始得一長吟。

○長安書事寄盧綸

弱冠家廬岳，從師歲月深。  
翻同老夫見，殊寡少年心。  
及此時方晏，因之名亦沈。  
超途非要路，

事樂空林，素業在山下。  
青泉當樹陰，交遊有凋喪。  
離別代追尋，向秀初聞笛。  
鍾期久罷琴，殘愁猶滿貌。  
餘淚可沾襟，勿以朱顏好。  
而忘白髮侵，終期入靈洞。  
相與鍊黃金。

○聽事

鳴箏金粟柱，素手玉房前。  
欲得周郎顧，時時誤拂絃。

嚴維

○自雲陽歸晚泊陸澧宅



天陰行易晚。前路故人居。孤棹所思久。冒寒相見初。鍾云真境中聞燈忘夜永。清漏任更疎。明發還須去。離家幾歲除。

酬諸公宿鏡水宅

幸免低頭向府中。貴將藜藿與君同。陽鴈叫霜來枕上。寒山映月在湖中。詩書何德名夫子。草木推年長數公。鍾云謙而帶朝聞道漢家偏長少。此身那比訪芝翁。

李益

○與僧法振同賦應門照綠苔

宮上何年月。應門何歲苔。鍾云問出悲感來清光一以

照。白露共徘徊。珠履久行絕。玉房重未開。妾心

正如此。譚云三字不說出情事無限昭陽歌吹來。譚云來字落得凄然

鍾云輕調深婉

○罷鏡

手中青銅鏡。照我少年時。衰颯一如此。清光難復持。欲令孤月掩。從遣半心疑。縱使逢人見。猶勝自見悲。鍾云憤甚



○入南山金師蘭若

木隕水歸壑。寂然無念心。譚云老衲  
涅槃語南行有真

子。被褐息山陰。石路瑤草散。松門寒景深。吾師亦何授。自起定中吟。

鍾云骨調森。渾不減岑李。

○送同落第東歸

東門有行客。落日滿前山。聖代誰知者。滄州今獨還。片雲歸海暮。流水背城閒。余亦依嵩嶺。松花深閉關。

○合源溪期張計不至

鍾云細響清和。

霜露肅時序。緬然方獨尋。暗溪遲仙侶。寒澗聞松禽。寂歷茲夜永。清明秋序深。微瀾澹澄夕。煙景含虛林。素志久淪否。幽懷方自吟。

○江南詞

嫁得瞿塘賈。朝朝悞妾期。早知潮有信。嫁與弄潮兒。

鍾云荒唐之想。寫怨情却真切。



答廣宣供奉問蘭陵居

居北有朝路。居南無住人。勞師問家第。山色是南鄰。

譚云口傳家信。寫出成詩便是。

從軍北征

鍾云全是王龍標氣調。

天山雪後海風寒。橫笛偏吹行路難。磧裏征人三十萬。一時回首月中看。

權德輿

題嚴陵釣臺

鍾云千古特識具眼以厚力深骨出之。

譚云說出處士深心妙用嚴陵知己。

絕頂聳蒼翠。清湍石磷磷。先生晦其中。天子不得臣。心靈棲顛元。軒冕猶緇塵。不樂禁中臥。却歸江上春。潛驅東漢風。日使薄者醇。焉用佐天子。持此報故人。則知大賢心。不獨使其身。弛張有深致。耕釣陶天真。鍾云止此妙甚奈何清風後。擾擾誦屈伸。交情同市道。利欲相紛綸。我行訪遺臺。



仰古懷逸民，矰繳鴻鵠遠。雪霜松桂新，江流去不窮。山色凌秋旻，人世自今古。清輝照無垠。

○月夜江行  
扣舷不能寐，浩露清衣襟。彌傷孤舟夜，遠結萬里心。幽興惜瑤草，素懷寄鳴琴。三奏月初上，寂寥寒江深。

鍾云情深而古。

○豐城劍池驛

龍劍昔未發，泥沙相埋藏。向非張茂先，孰辨斗

牛光神物不自達。鍾云說得有品。聖賢亦彷徨。我行豐城野，慷慨心內傷。

鍾云單用後四語作一詩，更於題情深

映有餘。

司空曙

○擬百勞歌

朱絲鈕絃金點雜，雙蒂芙蓉共開合。誰家稚女著羅裳，紅粉青眉嬌暮妝。木犀作牀牙作席，雲母用風光照壁。玉顏年幾新上頭，回身斂笑多

屏



唐詩卷三 司空曙

自羞紅銷月落不復見。可惜當年誰拂面。鍾云真細

心體 點人

○留盧秦卿

知有前期在。難分此夜中。無將故人酒。不及石

尤風

鍾云情語帶嗔。妙妙。

○江村即事

罷釣歸來不繫船。江村月落正堪眠。縱然一夜

風吹去。只在蘆花淺水邊。鍾云達甚

戎昱

○漢上煩韋氏莊

結茅同楚客。卜築漢江邊。日落數歸鳥。夜深聞

扣舷。水痕侵岸柳。山翠借厨煙。調笑提筐婦。春

來蠶幾眠。

鍾云六句以後。皆以幽事寫出閒情。

于鵠

○秦越人洞中詠

鍾云洞壑詩。不難於幽奇。而難於渾淪。

中唐三



須有一片理氣行於其間。

扁鵲得仙處傳是西南峰。年年山下人長見。騎  
白龍。洞門黑無底。日夜唯雷風。清齋將入時。藪  
星兼抱松。石逕陰且寒。地響知遠鍾。似行山林  
外。聞葉履聲重。底礙更俯身。漸遠晝夜同。時時  
白蝙蝠。飛入茅衣中。行久路轉窄。靜聞水淙淙。  
但願逢一人。譚云三字寫出幽境。自得朝天宮。

途中寄揚涉

蕭蕭遠秋晚。一徑入荒陂。日色雲收處。蛙聲雨

歇時。前村見來久。羸馬自行遲。聞作王門客。應

閒白接羅。

惜花

夜來花欲盡。始惜兩三枝。早起尋稀處。閒眠記  
落時。鍾云說得惜字。出却不露惜字。藥焦蜂自散。蒂折蝶還移。  
攀著殷勤別。明年更有期。

春日山居

獨來多任性。惟與白雲期。深處花開盡。遲眠人  
不知。水流山暗處。風起月明時。鍾云當境語。過後想不出。望



見南峰近。年年嬾更移。

遊瀑泉寺

日斜尋未遍。古木寺高低。粉壁猶遮嶺。朱樓尚  
隔溪。厨牕通澗鼠。殿跡立山雞。更有無人處。明  
朝獨向西。

送遷客

得罪誰人送。來時不到家。白頭無侍子。多病  
天涯。鍾云四語苦甚却是作遷客之法安命守義俱在其內蒼莽凌江  
水。黃昏見塞花。如今賈誼賦。不漫說長沙。

古詞

素絲帶金地。窓間擲飛塵。偷得鳳凰釵。門前乞  
行人。

又

新長青絲髮。啞啞言語黠。隨人敲銅鏡。街頭救  
明月。

又

東家新長兒。與妾同時生。並長兩心熟。鍾云與  
嫌猜語異而到大相呼名。情想則同



鍾云三詩皆以極近情事發出古調乃是真古

鍾云三詩皆以極近情事發出古調乃是真古

崔峒

○登蔣山開善寺

山殿秋風裏。香風出翠微。客尋朝磬食。僧背夕陽歸。下界千門見。前期萬事非。看心兼送目。葭菼暮依依。

○江南回逢趙曜因送任十一赴交城主簿

江上長相憶。因高北望看。不知携老幼。何處

艱難屈指同人盡。傷心故里殘。遙憐驅疋馬。白首到微官。

羊士諤

○息舟荆溪入陽羨南山遊善權寺呈李功曹

曹

結纜蘭渚曉。紫崑上連岡。晏温值初霽。去遶山河長。獻歲冰雪盡。細泉在路傍。行披煙衫入。激瀾橫石梁。層閣表精廬。飛甍切雲翔。冲襟得高步。鍾云深秀語。清眺極遠方。潭嶂積佳氣。萸英多早

唐詩歸 中唐三 十七



芳具觀澤國秀重使春心傷念遵煩促途榮利  
驚隙光勉君脫冠意共匿無何鄉

暢當

鍾云此君詩少而別有清骨妙情

○居山居酬韋蘇州見寄

孤茅泄煙處譚云泄煙二字形容荒破入微此中山叟居親雲

寧有事耽酒詎知余水定鶴翻去松欹峰儼如

鍾云幽事奇語猶煩使君問更欲結環廬

○天柱隱所重答江州應物

寂寞一悵望秋風山景清此中惟草色翻意見

人行鍾云清思妙悟荒徑饒松子深蘿絕鳥聲陽崖全

帶日寬嶂偶通耕拙昧難容世貧寒別有情煩

君瓊玖贈幽懶百無成

○釣渚亭

花發多遠意鳧鴈有閒情遲暉耿不暮平江寂

無聲

○宿潭上

夜潭有仙舸與月當水中嘉賓愛明月遊子驚



秋風

姚係

○揚參軍莊送宇文邁

秋雲冒原隰，野鳥滿林聲。愛此出舍事，稽君車馬程。離堂慘不喧，脉脉復盈盈。蘭葉一經霜，香綃為贈輕。燈光耿方寂，蟲思隱餘清。鍾云幽細相望忽無際，如含江海情。

○秋夕會友

倦客易相失，歡遊無良晨。譚云魏晉人言深微之想五忽然

一夕間，稍慰闔家貧。白露下庭梧，孤琴始悲辛。

鍾云始字接得有思理迴風入幽草，蟲響滿四鄰。會遇更

何時持杯重殷勤。

○送陸渾主簿趙宗儒之任

山中眇然意，此意乃平生。鍾云十字一氣含吐無端常日望

鳥鳴，遙對洛陽城。故人更為隱，懷此若蓬瀛。夕

氣冒巖上，晨流瀉岸明。存亡區中事，影響羽人

情。溪寂值猿下，雲歸聞鶴聲。及茲春始暮，花萼

正明榮。會有携手日，悠悠去無程。



李湛

○興福寺

雲門十里長。殿塔明朝陽。半夜風雨至。滿山松  
佳香。清猿嘯遠樹。好鳥鳴虛廊。塵土斯可濯。胡

山... 倉... 浪

重... 文間... 愁... 闔... 寒... 貪... 白... 雲... 可... 到... 野... 琴... 欲... 悲... 辛

唐詩歸第二十八卷目錄

中唐四

劉禹錫

團扇歌

挿田歌

華山歌

客有為予話登天壇遇雨之狀因以賦之

秋江早發

有僧言羅浮寺因為詩以

寫之

酬湖州崔郎中見寄

蒙池

西山蘭若試茶歌

晝居池上亭獨吟

登陝州城



北樓却寄京都親友

歲夜詠懷

秋中暑退贈樂天

視刁環歌

淮陰行

魏宮詞

元稹

遣春

又

解愁

遣病

苦樂相倚曲

冬白紵

白居易

雜興

宿紫閣山北村

和微之大觜鳥

清夜琴興

琵琶引

採蓮曲

王昭君

歐陽詹

送袁秀才下第歸毗陵

聞隣合唱

涼州有思所

同諸公過福先寺律院宣

上人房

翫月詩

御溝新柳

鮑溶

采蓮曲

陳閏

宿北樂館



薛存誠

暮春自南臺丞再除給事中仍是本廳几  
榻杖屨宛然如舊

楊巨源

楊花落

李正封

夏遊招隱暴雨晚晴

唐詩歸二十八卷目錄終

唐詩歸第二十八卷

景陵

鍾惺伯敬  
譚元春友夏  
同選定

中唐四

劉禹錫

團扇歌

團扇復團扇奉君清暑殿秋風入庭樹從此不  
相見上有乘鸞女蒼蒼網蟲遍明年入懷袖別  
是機中練鍾云末語又作  
一想更自難堪



插田歌

州城下俯接村墟，偶登郡樓適有所感，遂書其事為俚歌，以俟采詩者。

岡頭花草齊，燕子東西飛。田塍望如線，白水光參差。農婦白紵裙，農父綠簑衣。齊唱郢中歌，嘖嘖如竹枝。但聞怨響音，不辨俚語詞。時時一大笑，此必相嘲嗤。水平苗漠漠，煙火生虛落。黃犬往復還，赤雞鳴且啄。路傍誰家郎，烏帽衫袖長。自言上計吏，年幼離帝鄉。田夫語計吏，君家儂

定記一來長安道，眼大不相覷。計吏笑致辭，長

安真大處。鍾云誇得省門高軒峩，儂入無度數。

昨夜補衛士，惟用筒竹布。君看二三年，我作官

人去。譚云極直極像

鍾云風土詩必身至其地始知其妙然

使未至者讀之茫然不曉何語亦是口

頭筆下不能運用之過

○華山歌

洪鑪作高山，元氣鼓其橐。俄然神功就。鍾云就字妙只



似說人峻拔在寥廓靈跡露指爪殺氣見稜角

凡木不敢生神僊聿來託天資帝王宅以我為

關鑰譚云我者華山自能令下國人不見換神

骨高山固無限如此方為嶽譚云許與不許丈夫無特

運雖貴猶碌碌鍾云唐人詩往往於結處補正

鍾云大山水景事氣象俱少不得然專

寫景事則纖專寫氣象亦泛須胷中筆

下別有所領

○客有為余話登天壇遇雨之狀因以賦之

清晨登天壇平路逢陰晦疾行穿雨過却立視

雲背白日照其上風雷走於內混濛雪海翻槎

牙玉山碎蛟龍露鬢鬣神鬼合變態萬狀互生

滅百音以繁會鍾云視聽高寂俯觀羣動靜始覺天宇

大山頂自晶明人間已霧霈豁然重昏歛澳若

春冰碎反照入松門瀑流飛縞帶遙光泛物色

餘韻吟天籟洞府撞仙鐘村墟起夕靄却見山

下侶已如迷世代問我何處來我來雲雨外鍾云

上字內字外字皆以極確字面形出極幻之境作記妙手



鍾云山水詩語有極壯幻驚人而不免  
為後人開一蹊徑者。如日月照其上風  
雷走於內等語是也。意以為不如百音  
以繁會。遙光泛物色。雖無聲迹可尋而  
實境所觸。偶然得之。移動不去。久而更

新耳。

○秋江早發

鍾云寄託高迴。自是出世偉人。

輕陰迎曉日。霞霽秋江明。草樹含遠思。傑懷有

餘情。凝睇萬象起。朗吟孤憤平。渚鴻未矯翼。而

我已遐。征因思市朝人。方聽晨雞鳴。昏昏戀衾

枕。安見天地英。納爽耳目變。玩奇筋骨輕。滄洲

有奇趣。浩然吾將行。譚云後六句是遊仙最高  
妙語亦是感遇雜詩絕境

○有僧言羅浮寺因為詩以寫之

君言羅浮上。容易見九垓。漸高元氣壯。洶湧來

翼身。夜宿最高峰。瞻望浩無鄰。海黑天宇曠。星

辰來逼人。是時當朏魄。陰物恣騰辰。日光吐鯨

背。劍影開龍鱗。倏若萬馬馳。旌旗聳齋淪。又如



廣樂奏金石含悲辛疑其有巨靈怪物盡來賓  
陰陽迭用事譚云大本事乃俾夜作晨咿啞天雞鳴  
扶桑色昕昕赤波千萬里湧出黃金輪下視生  
物息霏如隙中塵醢雞仰甕口亦謂雲漢津世  
人信耳目方寸度大鈞安知視聽外怪愕不可  
陳悠悠想大方此乃悟水濱知小天地大安能  
識其真譚云齊物妙肯

○ 訓湖州崔郎中見寄

風箏吟秋空不肖指爪聲譚云超悟鍾云妙在是說崔郎中寄詩

若直作詠風箏則亦易盡矣 高人靈府間律呂伴咸英昔年

與兄遊文似馬長卿今來寄新詩乃類陶淵明  
磨礪老益智吟詠閒彌精豈非山水鄉蕩漾神  
機清鍾云入得靈透乃其根器靜深處渚煙蕙蘭動溪雨虹蜺

生馮君虛上舍待余乘興行

○ 蒙池

滌滄幽壁下深靜如無力風起不成文月來同  
一色地靈草木瘦人遠煙霞逼往往疑列仙圍  
碁在巖側



○西山蘭若試茶歌

山僧後檐茶數叢。春來映竹抽新茸。宛然為客  
振衣起。自傍芳叢摘鷹紫。斯須炒成滿室香。便  
酌砌下金沙水。驟雨松聲入鼎來。白雲滿盃花  
徘徊。悠揚噴鼻宿醒散。清峭徹骨煩襟開。陽崖  
陰嶺各殊氣。未若竹下莓苔地。炎帝雖嘗未解  
煎。桐君有錄那知味。新牙連拳半未舒。自摘至  
煎。俄頃餘。鍾云茶之性情節候。不出此七字。只是一新。木蘭霑露香  
微似。瑤草臨波色不如。僧言靈味宜幽寂。采采

翹英為嘉客。不辭緘封寄郡齋。甌井銅爐損標  
格。譚云高人之言。何況蒙山顧渚春。白泥赤印走風塵。  
欲知花乳清冷味。須是眠雲跂石人。

○晝居池上亭獨吟

日午樹陰正。獨吟池上亭。靜看蜂教誨。閒想鶴  
儀形。鍾云教誨儀形。妙在下字甚重。又似不甚穩。却又極趣。法酒調神氣。  
清琴入性靈。浩然機已息。几杖復何銘。

○登陝州城北樓却寄京都親友

獨上百尺樓。目窮思亦愁。初日徧露草。野田光



悠悠塵息長道白林清宿煙收回首雲深處永  
懷鄉舊游。

○歲夜詠懷

彌年不得意新歲又如何念昔同遊者而今有  
幾多以閒為自在將壽補蹉跎鍾云達生之言春色無  
新故幽居亦見過。

鍾云一篇只如一句此謂淵永。

○秋中暑退贈樂天

暑服宜秋著清琴入夜彈人情皆向菊風意欲

摧蘭歲稔貧心泰天涼病體安相逢取次第却  
甚少年歡。

○視刀環歌

鍾云詩作如是語却妙在題又是視刀  
環所以詩益覺深至。

常恨言語淺不如人意深今朝兩相視脉脉百  
種心。

○淮陰行

船頭大銅擐摩挲光陣陣早晚便風來沙頭一



眼認

鍾云極似六朝清商曲。正以音響質直。

○魏宮詞

日晚長秋簾外報。空林歌舞在明朝。添爐欲爇

熏衣麝。憶得分時不忍燒。鍾云稍為銅雀事。覓一好收場。

元稹

鍾云看古人輕快詩。當另察其精神靜

深處。如微之秋依靜處多。樂天清冷由

木性。恬淡隨人心。曲罷秋夜深。等句元

白本色。幾無尋處矣。然此乃元白詩所

由出。與其所以可傳之本也。

○遣春

曉月籠雲影。鷺深餘霧中。暗芳飄露氣。輕寒生

柳風。冉冉一趨府。未為勞我躬。鍾云柔厚之句。因茲得

晨起。但覺情興隆。鍾云隆字。押得不響。

○又

暄寒深淺春。紅日前後花。顏色詎相讓。生成良

有涯。梅芳勿自早。菊秀勿自賒。各將一時意。終



無再華。

○解愁

微霜纔結露。翔鳩初變鷹。無乃天地意。使之行。

小懲。譚云至理。偶然拈出。鳴鴉誠可惡。蔽日有高鵬。捨大

以擒細。我心終不能。鍾云傲朴。

○遣病

秋依靜處多。况乃凌晨趣。深竹蟬晝風。翠茸衫

曉露庭莎病。看長林果閒知數。何以強健時。公

門日勞驚。

○苦樂相倚曲

古來苦樂之相倚。近於掌上之十指。君心半夜

猜恨生。荆棘滿懷天未明。漢成眼瞥飛燕時。可

憐斑女恩已衰。未有因由相決絕。猶得半年。佯

暖熱。轉將深意諭旁人。緝綴疵瑕。遣潛說。一朝

詔下辭金屋。班姬自痛何倉卒。呼天俯地將自

明。不悟尋時已銷骨。白首官人前再拜。願將日

月相輝解。苦樂相尋晝夜間。燈光那有天明在。

主今被奪心。應苦妾奪深恩初為主。欲知妾意



恨主時。主今為妾思量取。班姬收淚抱妾身。我  
曾排擯無限人。

譚云深於涉世。乃能寫得如此刻骨。君  
臣朋友之間。誦之惕然。○鍾云世路平  
波。人情倚伏。天道報應。借題發意。

○冬白紵

吳宮夜長。宮漏款。簾幕四垂。燈焰暖。西施自舞。  
王自管。雪苧翻翻。鶴翎散。促節牽繁。舞腰嬾舞。  
腰嬾。王罷飲。蓋覆西施。鳳花錦。身作匡牀。臂為

枕。朝珮縱縱。王晏寢。寢醒闌報門無事。子胥死  
後言為諱。近王之臣諭。王意。鍾云此一語。寫共  
君臣驕諂。人微  
笑。越王窮惴惴。夜夜抱冰寒不睡。

白居易

鍾云元白淺俚處。皆不足為病。正惡其  
太直耳。詩貴言其所欲言。非直之謂也。  
直則不必為詩矣。又二人酬唱。似惟恐  
一語或異。是其大病。所謂同調。亦不在  
語語同也。今取其詞旨。緼藉。而能自出。



白居易  
者庶使人知真元白耳。

○雜興

楚王多內寵，傾國選嬪妃。又愛從禽樂，馳騁每相隨。錦鞬臂花隼，羅袂控金羈。遂習官中女，皆如馬上兒。色禽合為荒。譚云說得悚然刑政兩已衰，雲夢春仍獵。章華夜不歸，東風二月天。春鴈正離離，美人挾銀鏑。一發疊雙飛，飛鴻驚斷行。斂翅避蛾眉，君王顧之笑。弓箭生光輝，迴眸語君曰。昔聞莊王時，有一愚夫人。鍾云字妙三其名曰樊姬。

不有此遊樂，三載斷鮮肥。

譚云便止了。遂為妙結。

○宿紫閣山北村

晨遊紫閣峰，暮宿山下村。村老見予喜，為予開一樽。舉杯未及飲，暴卒來入門。紫衣挾刀斧，草草十餘人。奪我席上酒，掣我盤中飧。主人退後立，斂手反如賓。中庭有奇樹，種來三十春。主人惜不得，持斧斷其根。口稱采造家，身屬神策軍。主人慎勿語，中尉正承恩。鍾云樂府妙語

○和微之大觜鳥



鍾云寫到可笑可哭處極痛極快物無

遁情然風刺深微之體索然矣知此可

與讀元白詩○譚云長篇中情事極真

朴委折處其法亦有自焦仲卿妻詩及

蔡琰五言悲憤詩來者

烏者種有二名同性不同觜小者慈孝觜大者

貪庸觜大命又長生來十餘冬物老顏色變頭

毛白茸茸飛來庭樹上初但驚兒童老巫生奸

詐與烏意潛通譚云發奸手云是非凡鳥遙見起

敬恭千歲乃一出喜賀主人翁鍾云聲口祥瑞

來白日神靈占知風陰作北斗使能為人吉凶

此鳥所止家家產日夜豐上以致壽考下可宜

田農主人富家子譚云三字妙老巫身老心童

蒙隨巫拜復祝婦姑亦相從殺雞薦其肉敬若

禮六宗鳥喜張大觜飛接在虛空鳥既飽羶腥

巫亦饗甘濃鳥巫互相利不復兩西東日日營

巢窟稍稍近房樞雖生八九子誰辨其雌雄羣

雛又長成衆觜逞殘兇探巢吞鷺卵入簇啄蠶



蟲豈無乘秋隼，羈絆委高墉。但食烏殘肉。

鍾云馬鷹

隼無施搏擊功，亦有能言鸚。翅碧背紅暫。

曾說烏罪囚，閉在深籠青。青牕前柳鬱鬱，井上

桐貪鳥占棲息。慈烏獨不容，慈烏爾奚為。來往

何憧憧，曉去先晨鼓。暮歸後昏鐘，辛苦塵土間。

飛啄禾黍叢，得食將母哺。饑腸不自充，主人憎

慈烏。命子削彈弓，絃續會稽竹。丸鑄荆山銅，慈

烏求母食，飛下爾庭中。數粒未入口，一丸已中

胃。仰天號一聲，似欲訴蒼穹。反哺日未足，非是

惜微躬。誰能持此冤，一為問化工。胡然大嘴烏，

竟得天年終。

○清夜琴興

月出鳥棲盡，寂然坐空林。是時心境閒，可以彈

素琴。清冷由木性，恬淡隨人心。

鍾云三字深澹難了。下二語以

妙理解之。反覺多言。心積和平氣，木應正始音。響餘羣動

息，曲罷秋夜深。

鍾云此句。妙於上句。

正聲感元化，天地清

沈沈。

○琵琶引 并序



元和十年，予左遷九江郡司馬。明年秋，送客湓浦口，聞舟中夜彈琵琶者，聽其音，錚錚然有京都聲。問其人，本長安娼女，嘗學琵琶於穆曹二善才。年長色衰，委身為賈人婦。遂命酒，使快彈數曲。曲罷，憫然自叙。少小時歡樂事，今漂淪憔悴，轉徙於江湖間。予出官二年，恬然自安，感斯人言，是夕始覺有遷謫意。鍾

妙在真，情不諱。因為長句歌以贈之，凡六百一十二言，命曰琵琶行。

潯陽江頭夜送客，楓葉荻花秋瑟瑟。主人下馬客在船，舉杯欲飲無管絃。醉不成歡慘將別，別時茫茫江浸月。忽聞水上琵琶聲，主人忘歸客不發。尋聲聞問彈者誰，琵琶聲停欲語遲。移船相近邀相見，添酒回燈重開宴。千呼萬喚始出來，猶抱琵琶半遮面。轉軸撥絃三兩聲，未成曲調先有情。絃絃掩抑聲聲思，似訴平生不得志。低眉信手續續彈，說盡心中無限事。輕攏慢撚撥復挑，初為霓裳後六么。大絃嘈嘈如急雨，小



絃切切如私語，嘈嘈切切誰雜彈。大珠小珠落玉盤，間關鶯語花底滑。幽咽泉流水下灘，水泉冷澁絃凝絕，凝絕不通聲暫歇。鍾云以此說曲罷情理便深別有幽愁闇恨生，此時無聲勝有聲。銀餅乍破水漿迸，鐵騎突出刀鎗鳴。曲終收撥當心畫，四絃一聲如裂帛。東船西舫悄無言，唯見江心秋月白。沈吟放撥插絃中，整頓衣裳起斂容。自言本是京城女，家在蝦蟆陵下住。十三學得琵琶成，名屬教坊第一部。曲罷長教善才服，妝成每

被秋娘妬，五陵年少爭纏頭。一曲紅綃不知數，鈿頭銀篦擊節碎。血色羅裙翻酒汗，今年歡笑復明年。秋月春風等閒度，弟走從軍阿姨死。暮去朝來顏色故，門前冷落鞍馬稀。老大嫁作商人婦。鍾云喚醒人語。不怕說得敗興。商人重利輕別離，前月浮梁買茶去，去來江口守空船。遶船明月江水寒，夜深忽夢少年事，夢啼妝淚紅闌干。我聞琵琶已嘆息，又聞此語重唧唧。同是天涯淪落人，相逢何必曾相識。鍾云止此妙亦似多後一段我曾去年辭帝



京謫居臥病潯陽城潯陽地僻無音樂終歲不  
聞絲竹聲住近湓江地低濕黃蘆苦竹遶宅生  
其間旦暮聞何物杜鵑啼血猿哀鳴春江花朝  
秋月夜往往取酒還獨傾豈無山歌與村笛嘔  
啞嘲哳難為聽今夜聞君琵琶語如聽仙樂耳  
暫明莫辭更坐彈一曲為君翻作琵琶行感我  
此言良久立却坐促絃絃轉急淒淒不似向前  
聲滿座重聞皆掩泣座中泣下誰最多江州司  
馬青衫濕

○採蓮曲

菱葉縈波荷颭風荷花深處小船通逢郎欲語  
低頭笑碧玉搔頭落水中

○王昭君

漢使却迴憑寄語黃金何日贖蛾眉君王若問  
妾顏色莫道不如宮裏時

鍾云情婉而調直

歐陽詹

○送袁秀才下第歸毘陵



鍾云高秀之極

羸馬出都門，脩途指江東。關河昨夜雨，草木非  
春風。譚云十字中思緒矢捨雖未中，璞全終待  
攻。層霄秋可翔，豈不隨高鴻。

○聞鄰舍唱涼州有所思

有善伊涼曲，離別在天涯。虛堂正相思，所妙發  
鄰家。聲音雖類聞，形影終以遐。因之增遠懷，惆  
悵菖蒲花。鍾云落  
得虛渺

○同諸公過福先寺律院宣上人房

律座下朝講，晝門猶掩關。叨同靜者來，正值高  
雲閒。鍾云閒適開口  
莊重所以益妙寂爾方丈內，瑩然虛白間。  
千燈智慧心，片玉清羸顏。松色落深井，竹陰寒  
小山。晤言流曦晚，惆悵歸人寰。

○翫月詩 并

月可翫，翫月古也。謝賦鮑詩朧之庭前，亮之  
樓中，皆翫也。貞元十二年，歐閩君子陳可封  
在秦，寓於永崇里華陽觀，予與鄉故人安陽  
邵楚萇、濟南林蘊、潁川陳詡，亦旅長安。秋八



月十五日夜詣陳之居脩厥翫事鍾云鄭月  
之為翫冬則繁霜太寒夏則蒸雲太熱雲蔽  
月霜侵人蔽與侵俱害乎翫秋之於時後夏  
先冬八月之於秋季始孟終十五於夜又月  
之中稽於天道則寒暑均取於月數則蟾兔  
圓况埃壒不流太空悠悠嬋娟徘徊桂華上  
浮升東林入西樓肌骨與之疏涼神魂與之  
清冷四君子悅而相謂曰斯古人所以為翫  
也既得古人所翫之意宜襲古人所翫之事

乃作翫月詩

八月三五夕舊嘉蟾兔光斯從古人好共下今  
宵堂鍾云迂素魄皎孤凝芳輝紛四揚徘徊林  
上頭泛灩天中央皓露助流華輕颺佐浮涼清  
冷到肌骨潔白盈衣裳惜此苦宜翫攬之非可  
將含情顧廣庭願勿沈西方

御溝新柳

東風韶景至垂柳御溝新媚作千門秀連為一  
道春柔萸生女指嫩葉長龍鱗舞絮迴青岸翻



煙拂綠蘋。王孫初命賞。楚客欲傷神。芳意堪相贈。一枝光遠人。鍾云玉臺清妙語

鮑溶

采蓮曲

弄舟竭來南塘水。蓮葉映身。摘蓮子。暑衣靜洗。鴛鴦喜。作浪舞花驚不起。殷勤護惜。纖纖指。水菱多熟。多新刺。

陳閏

宿北樂館

欲眠不眠。夜深淺。

鍾云作態妙甚

越鳥一聲空山遠。庭

木蕭蕭。落葉時。溪聲雨聲聽不辨。溪流潺潺雨習習。燈影山光滿。牕入棟裏。不知渾是雲。曉來但覺衣裳濕。鍾云高岑森秀之結

薛存誠

暮春自南臺丞再除給事中。仍是本廳。几榻杖屨。宛然如舊。

再入青鎖闈。添官誠自非。鍾云謙得妙拂塵驚物在。開戶似僧歸。積草漸無逕。殘花猶灑衣。禁垣偏



唐詩歸三卷 / 陳閔薛存誠楊巨源

日近行坐是恩輝。

楊巨源

○楊花落

鍾云深情婉變。而不露纖麗手脚。○譚云有靜思。

北斗南迴春物老。紅英落盡綠尚早。韶風澹蕩無所依。偏借垂楊作春好。此時可憐楊柳花。繁盈艷曳滿人家。人家女兒出羅幙。靜掃玉除待花落。寶環纖手捧更飛。翠羽輕裾承不著。歷歷

垂瑟舞瑤陳。菲紅拂黛憐玉人。鍾云花憐人。人情便不同。東

園桃李芳已歇。獨有楊花嬌暮春。

李正封

○夏遊招隱暴雨晚晴

竹柏風雨過。蕭疎臺殿涼。石渠瀉奔溜。金刹照頽陽。鶴飛巖煙碧。鹿鳴澗草香。山僧引清楚。幡蓋遶迴廊。

唐詩歸第二十八卷 終

中唐四



頁長息多長息

竹林風雨。嚴蕭刺。臺煥京。口果。驚奔。留金條。烈

○夏。致。味。烈。暴。雨。知。鄰。

李五桂

園林李。共。日。相。識。有。財。芬。散。暮。春。

垂。瑟。幾。畚。刺。菲。孫。刺。黨。刺。王。人。刺。刺。不。同。東。刺。云。芬。刺。入。

唐詩歸第二十九卷目錄

中唐五

戴叔倫

南野

喜雨

女耕田行

過龍灣五王閣訪友人不遇

潭州使院

書情寄江夏賀蘭副端

韓愈

倚蘭操

拘幽操

別鵲操

殘形操

剝啄行

秋懷詩



又

長安交遊者一首贈孟郊

又

又

出門

題炭谷湫祠堂

病鷗

夜歌

雉帶箭

送區弘南

歸

記夢

柳宗元

南澗中題

中夜起望西園值月上

田家

又

又

戲題石門長老東軒

裴慶

中書郎事

中和節詔賜公卿尺

呂溫

孟冬蒲津關河亭作

道州春遊

歐陽家林亭

道州汎道

縣主簿知縣三年頗著廉慎秩滿縣闕

中使請留將赴衡州題其廳事

道州感興

姚合



送邢郎中赴太原

送張宗原

街西居

又

石潭

買太湖石

送僧默然

秋中夜坐

陳羽

送殷華之洪州

春園卽事

朱長文

望中有懷

李觀

宿裴友書齋

朱放

剡谿行却寄新別者

徐凝

江中對月

令狐楚

遠別離

孟簡

擬古

唐詩歸二十九卷目錄終



今賦焚

武中博月

餘英

淡羅許法書祿限昔

米然

唐詩歸第二十九卷

景陵 鍾惺伯敬 同選定

譚元春友夏

中唐五

戴叔倫

○南野

治田長山下，引流坦溪曲。東山有遺瑩，南野起新築。家世素業儒，子孫鄙食祿。鍾云五字說出耕讀人品格地披雲朝出畊，帶月夜歸讀。身勤竟忘疲，團團



欣在目野芳綠可採泉美清可掬茂樹延晚涼  
早田候秋熟茶烹松火紅酒吸荷杯綠解佩臨  
清池撫琴看修竹此懷誰與同此樂君所獨

○喜雨

閒居倦時燠開軒俯平林雷聲殷遙空雲氣布  
層陰川上風雨來灑然滌煩襟田家共歡笑溝  
澮亦已深團團聚隣曲斗酒相與斟樵歌野曲  
中漁釣滄江濤蒼天暨有念悠悠終我心鍾云  
二語  
古澹之極不  
免收其全篇 十六

、女耕田行

乳鷲入巢笋成竹誰家二女種新穀無人無牛  
不及犁持刀砍地翻作泥自言家貧母年老長  
兄從軍未娶嫂去年灾疫牛困空截絹買刀都  
市中頭巾掩面畏人識以刀代牛誰與同姊妹  
相攜心正苦不見路人惟見土踴通畦隴防亂  
年整頓溝塍待時雨日正南岡下餉歸可憐朝  
雉擾驚飛東隣西舍花發盡共惜餘芳淚滿衣  
過龍灣五王閣訪友人不遇



野橋秋水落江閣。暝煙微白。日又欲午。高人猶未歸。青林依石塔。虛館靜柴扉。坐久思題字。翻憐柿葉稀。

○潭州使院書情寄江夏賀蘭副端

雲雨一瀟散。悠悠關復河。俱從汎舟役。近隔洞庭波。春水去不盡。秋風今又過。鍾云無限感慨。不露出一情字。尤無因得相見。却恨寄書多。鍾云翻得無聊。

韓愈

鍾云唐文奇碎而退之春融志在挽回

唐詩淹雅而退之艱與意專。出脫詩文。出一手。彼此猶不相襲。真持世特識也。至其樂府諷刺寄託深婉忠厚。真正風雅。讀猗蘭拘幽等篇可見。

○猗蘭操

孔子傷不逢作

蘭之猗猗。揚揚其香。不採而佩於蘭。何傷。鍾云有識之言。即所謂草木有本心。何求美人折也。今天之旋。其曷為然。我行四方。以日以年。雪霜貿貿。薺麥之茂。子如不



傷我不爾觀。薺麥之茂。薺麥之有。君子之傷。君子之守。

鍾云聲氣在漢魏上。

○拘幽操

文王羨里作

目窈窕兮其凝其盲。耳肅肅兮聽不聞聲。朝不日出。今夜不見。月與星有知無知兮。為死為生。嗚呼。臣罪當誅。今天王聖明。

譚云從容悲惋。

○別鵠操

商陵穆子娶妻五年無子。父母令其改娶。其妻聞之。中夜悲嘯。穆子感之而作。

雄鵠銜枝來。雌鵠啄泥歸。鍾云便難堪巢成不隄子。

大義當乖離。譚云大義二字悲甚江漢水之大。鵠身鳥之

微。鍾云二語合更無相逢日。且可繞樹相隨飛。

○殘形操

曾子夢見一狸不見其首作

有獸維狸兮我夢得之。其身孔明兮而頭不知。



屋言三二卷一韓愈

鍾云奇語吉凶何為今覺坐而思巫咸上天今識者

其誰

剝啄行

剝剝啄啄有客至門我不出門客去而嗔從者  
語我子胡為然我不厭客困於語言欲不出納  
以堙其源鍾云苦心空堂幽幽有枯有莞門以兩板  
叢書於間窅窅深塹其墉甚完彼寧可墮此不  
可干鍾云嚴甚然亦無賴從者語我嗟子誠難子雖云爾  
其口益蕃我為子謀有萬其全凡今之人急名

與官

譚云探本之論所謂子不引去與為波澗

鍾云四字奇妙

雖不開口雖不開關變化咀嚼有鬼有

神今去不勇其如後艱我謝再拜汝無復云往  
追不及來不有年

鍾云與程曉嘲執客皆實歷苦境不得

已而寫出非一意絕俗嘲世之言而此

詩末一段真有以自處曉詩未暇及此

秋懷詩

秋氣日惻惻秋空日凌凌上無枝上蜩下無盤



中蠅豈不感時節。耳目去所憎。鍾云孤衷峭清性觸境吐出

曉卷書坐南山見高稜。其下澄秋水。有蛟寒可

醫。惜哉不得往。豈謂吾無能。譚云直未知又

○又

離離掛空悲。感感抱虛警。露泫秋樹高。蟲弔寒

夜永。鍾云弔字得秋夜之神歛退就新懦。趨管悼前猛。歸

愚識夷塗。汲古得修綆。名浮猶有耻。味薄真自

幸。譚云聞道之言庶幾遺悔尤。卽此是幽屏。

○又

秋夜不可晨。秋日苦易暗。我無汲汲志。何以有

此憾。譚云說得可悲可笑。鍾云二語似自安。其實自悼寒雞空在棲。缺

月煩。屢瞰譚云煩字妙有琴且徽絃。再鼓聽愈淡。古

聲久埋滅。無由見真濫。低心逐時趨。苦勉祇能

暫。鍾云高人實歷之苦有如乘風船。一縱不可纜。不如覩

文字。丹鉛事點勘。豈必求羸餘。所要石與甌。

○又

卷卷落地葉。隨風走前軒。鳴聲若有意。顛倒相

追奔。空堂黃昏暮。我坐默不言。童子自外至。吹



燈當我前。鍾云寫出幽涼難堪問我我不應。饋我我不餐。

退坐西壁下。讀詩盡數編。作者非今士。相去時

已千。其言有感觸。使我復悽酸。顧謂汝童子。置

書且安眠。丈夫屬有念。事業無窮年。

○長安交遊者一首贈孟郊

長安交遊者。貧富各有徒。親朋相遇時。亦各有

以娛。陋室有文史。高門有笙竽。何能辨榮悴。且

欲分賢愚。鍾云嘲罵只須此二字。

○出門

長安百萬家。出門無所之。豈敢尚幽獨。與世實

參差。古人雖已死。書上有其辭。鍾云朴妙似元結語開卷

讀。且想千載若相期。出門各有道。我道方未夷。

且於此中息。天命不吾欺。譚云結得深至

○題炭谷湫祠堂

鍾云艱與而帶靈氣。

萬生都陽明。幽暗鬼所寰。嗟龍獨何智。出入人

鬼間。鍾云曾中無真正奇奧此此五字不出不知誰為助。若執造

化關。厭處平地水。巢居插天山。列峰若攢指。石



孟仰環環巨靈高其捧保此一掬慳森沉固含  
蓄本以儲陰奸魚鼈蒙擁護羣嬉傲天頑翻翻  
棲託禽飛飛一何閒祠堂像侔真擢玉紆煙鬟  
羣怪儼伺候恩威在其顏我來日正中悚惕思  
先還寄立尺寸地敢言來途艱吁無吹毛刃血  
此牛蹄殷至令乘水旱鼓舞寡與鰥林叢鎮冥  
冥窮年無由刪妍英雜豔實星瑣黃朱班石級  
皆險滑顛躋莫牽攀龍區雛衆碎付與宿已頒  
棄去可柰何吾其死茅菅

○病鴟

鍾云與樂天大觜鳥同一痛快盡情而  
規調稍嚴然讀朱穆與劉伯宗絕交詩  
此二君不得不有世代升降之分矣

屋東惡水溝有鴟墮鳴悲青泥揜兩翅拍拍不

得離譚云寫得出羣童叫相召瓦礫爭先之計校生

平事殺却理亦宜奪攘不愧耻飽滿盤天嬉晴

日占光景高風送追隨遂凌紫鳳羣肯顧鴻鵠

卑今者運命窮遭逢巧丸兒中汝要害處汝能



不得施於吾乃何有不忍乘其危可汝將死命  
浴以清水池朝餐輟魚肉暝宿防狐狸自知無  
以致蒙德久猶疑鍾云罵得毒飽入深竹叢饑來傍  
階基亮無責報心固以聽所為譚云語有身分有原委昨  
日有氣力飛跳弄藩籬今晨忽徑去曾不報我  
知僥倖非汝福鍾云待負心人復作厚道天衢  
汝休窺京城事彈射豎子豈易欺勿諱泥坑辱  
泥坑乃良規

夜歌

靜夜有清光閨堂仍獨息念身幸無恨鍾云古極志  
氣方自得樂哉何所憂所憂非我力譚云  
鍾云古直之氣從深靜出似魏武諸詩

雉帶箭

原頭火燒靜兀兀鍾云此處乃着靜字妙甚野雉畏鷹出  
復沒將軍欲以巧伏人盤馬彎弓惜不發譚云  
深不是尋常弓地形漸窄觀者多雉驚弓滿勁  
箭加衝人決起百餘尺紅翎白鏃相傾斜將軍  
仰笑軍吏賀五色離披馬前墮



送區弘南歸

鍾云深文。秘義似識似隱。

穆昔南征軍不歸。蟲沙猿鶴伏以飛。洵洵洞庭

莽翠微。九疑鏡天荒。是非鍾云三字野有象犀

水貝璣。分散百寶人士稀。我遷于南日周圍。來

見者衆莫依稀。爰有區子熒熒暉。觀以彛訓或

從違。我念前人譬葑菲。落以斧引以繹。徽雖有

不逮。驅駢駢。或採于薄漁于磯。服役不辱言不

譏。從我荊州來京畿。離其母妻絕因依。嗟我道

不能自肥。子雖勤苦終何希。王都觀闕雙巍巍。

騰蹋衆駿事鞍鞿。佩服上色紫與緋。獨子之節

可嗟唏。母附書至妻寄衣。開書折衣淚痕晞。雖

不勅還情庶幾。朝暮盤羞側庭闈。幽房無人感

伊威。人生此難餘可祈。子去矣時若發機。蜃沈

海底氣昇霏。彩雉野伏朝扇聲。處子窈窕王所

妃。苟有令德隱不腓。况今天子鋪德威。蔽能者

誅薦受機。出送撫背我涕揮。行行正直慎脂韋。

業成志樹來頎頎。我當為子言天扉。



○記夢

夜夢神官與我言，羅縷道妙角與根，挈攜陬維口瀾翻。百二十刻須臾間，我聽其言未云足。捨我先度橫山腹，我徒三人共追之。一人前度安不危，我亦平行蹋翫戲。神完骨蹻脚不掉，側身上視溪谷盲。杖撞玉版聲彭觥，神官見我開顏笑。前對一人壯非少，石壇坡陀可坐臥。我手承頰肘，挂座隆樓傑閣磊嵬高。天風飄飄吹我過，壯非少者哦七言。鍾云壯非少者四字極是述夢口語六字常語

一字難。我以指撮白玉丹，行且咀噍行詰盤。口前截斷第二句，綽虛顧我顏不歡。乃知仙人未賢聖，護短憑愚邀我敬。鍾云罵世上冥好諛人入骨我能屬曲自世間，安能從女巢神山。

柳宗元

○南澗中題

鍾云非不似陶。只覺音調外，不見一段寬然有餘處。

秋氣集南澗，獨游亭午時。迴風一蕭瑟，林影久



參差始至若有得。稍深遂忘疲。羈禽響幽谷。寒藻舞淪漪。去國竟已游。懷人淚空垂。孤生易為感。失路少所宜。索寞竟何事。徘徊祇自知。誰為後來者。當與此心期。

○中夜起望西園值月上

覺聞繁露墜。開戶臨西園。寒月上東嶺。泠泠疎竹根。石泉遠逾響。山鳥時一喧。倚楹遂至旦。寂寞將何言。

○田家

蓐食狗所務。驅牛向東阡。鷄鳴村巷白。夜色歸暮田。札札耒耜聲。飛飛來鳥鳶。竭茲筋力事。持用窮歲年。盡輸助徭役。聊就空自眠。子孫日以長。世世還復然。鍾云結得味永似儲王田居諸作

○又

鍾云訴得靜益覺情苦。

籬落隔煙火。農談四隣夕。庭際秋蟲鳴。疎麻方寂歷。蠶絲盡輸稅。機杼空倚壁。里胥夜經過。雞黍事筵席。各言官長峻。文字多督責。東鄉後租



車轂陷泥澤。公門少推恕。鞭朴恣狠籍。努力  
與經營。肌膚真可惜。迎新在此歲。唯恐踵前跡。

○又

古道饒蒺藜。榮迴古城曲。蓼花被隄岸。陂水寒  
更淥。是時收穫竟。落日多樵牧。風高榆柳疎。霜  
重梨棗熟。行人迷去住。野鳥競棲宿。田翁笑相  
念。昏黑慎原陸。今年幸少豐。無厭餽與粥。

○戲題石門長老東軒

鍾云穆然深朴。似元道州七言

石門長老身。如夢旃檀成。林手所種。坐來念念  
非昔人。萬徧蓮花為。誰用如今七十自忘機。貪  
愛都忘筋力微。莫向東軒春野望。花開日出雉  
皆飛。鍾云三  
字禪機

裴度

○中書即事

有意効承平。無功答聖明。灰心緣忍事。鍾云無  
此五字  
不能作。元老霜鬢為論兵。道直身還在。嘗譚云大老何  
無骨一味  
恩深命轉輕。鹽梅非擬議。葵藿是平生。白日



常懸照蒼蠅裝度謾發聲鍾云直氣嵩陽舊田里終使謝歸畊

鍾雲端厚堅凝居然元老有厚力而無鈍氣

○中和節詔賜公卿尺貞元八年宏詞

陽和行慶賜尺度及羣公荷寵承佳節傾心立大中短長思合製遠近貴攸同共仰裁成德將酬分寸功作程施有政垂範播無窮願續南山壽千春奉聖躬

鍾雲端人之言大臣之心

呂溫

○孟冬蒲津關河亭作

息駕非窮途未濟豈迷津獨立大河上北風來吹人雪霜自茲始鍾云三字警甚感甚草木當更新嚴冬不肅殺何以見陽春

○道州春遊歐陽家林亭

道州城北歐陽家去郭一里占烟霞主人雖朴甚有思鍾云又朴又有思安得此妙解留滿地



紅桃花。桃花成泥不須掃。明朝更訪桃源老。政  
成興足則告歸。門前便是家山道。

鍾云人知其趣不知其老。

○道州弘道縣主簿知縣三年頗著廉慎秩  
滿縣闕中使請留將赴衡州題其廳事  
爲理賴同力。陟明非所任。廢田方墾。草新拓未  
成。陰術淺功難就。人疲感易深。煩君駐歸棹。與  
慰不欺心。

鍾云深直似張曲江。

○道州感興

當代知文字。先皇記姓名。七年天下立。萬里海  
西行。苦節終誰辨。勞生竟自輕。今朝流落處。瀟  
水遶孤城。

姚合

○送邢郎中赴太原

上將得良策。恩威作長城。如今并州北。不見有  
胡兵。晉野雨初足。汾河波亦清。所從古無比。意  
氣送君行。



鍾云亦以深朴勝

○送張宗原

東門送客道。春色如死灰。一客失意行。十客顏  
色低。住者既無家。去者又非歸。鍾云此窮愁一  
語甚成疾百藥不可治。子賢我且愚。命分不合齊。誰  
開蹇躓門。日日同遊栖。子行何所之。切切食與  
衣。誰能買仁義。令子無寒饑。野田不生草。四向  
生路岐。士人甚商賈。終日須東西。鴻鴈春北去。  
秋風復南飛。勉君向前路。無失相見期。

○街西居

日出窮巷喜。溫然勝重衣。重衣豈不暖。所暖人  
不齊。兀兀復行行。不離階與墀。

○又

丈夫非馬蹄。安得知路岐。窮賤飡茹薄。興與養  
性宜。乃知長生術。豪貴難得之。

○石潭

曉向潭上行。夕就潭邊宿。清泠無波瀾。澈澈魚  
相逐。釣翁坐不起。見我往來熟。



○買太湖石

我嘗遊太湖。愛石青嗟峨。波瀾取不得。自後長

咨嗟奇哉。賣石翁。譚云以此一句為作詩本。不

傍豪貴家。負石聽苦吟。鍾云高人行徑亦須略

癖。雖貧亦來過。貴我辨識精。取價復不多。譚云

好名感知人情如此比之昔所見。珍怪頗更加。背面滌注

痕。孔隙若琢磨。水稱至柔物。湖乃生壯波。或云

此天生。嵌空亦非他。氣質偶不合。如地生江河。

鍾云大置之書房前。曉霧常紛羅。碧光入四壁。

牆壁難蔽遮。客來謂我宅。忽若巖之阿。

○送僧默然

出家侍母前。至孝自通禪。鍾云儒釋一家之言伏日江頭

別。秋風檣下眠。鳥聲猿更促。石色樹相連。此路

多如此。師行亦有緣。

○秋中夜坐

疎散永無事。不眠常夜分。月中松露滴。風引鶴

鍾云同聞有理聞。有趣引字尤微

陳羽



唐詩集三卷一姚合陳羽朱長文

○送殷華之

離堂悲楚調。君奏豫章行。愁深雪花白。夢中江  
水清。扣船歌月露。避浪宿猿聲。鍾云幽極還作經年  
別。相思湖草生。

○春園卽事

水隔羣物外。鍾云幽曠夜深風起。蘋霜中干。樹橘  
月下五湖人。聽鶴忽忘寢。見山如得隣。明年還  
到此。共看洞庭春。

朱長文

○望中有懷

龍向洞中嘶。雨出鳥從花裏帶。香飛。譚云三字細極趣極  
白雲斷處見明月。黃葉落時聞擣衣。

李觀

○宿裴友書齋

鍾云幽活澹永

臥君山窓下。山鳥與我言。清風何颼颼。松栢中  
夜繁。久遊失歸趣。宿此似故園。林煙還近郊。谿  
月落古原。稚子不待曉。花間出柴門。

唐詩集三卷一 中唐五



朱放

○刻谿行却寄新別者

潺湲寒溪上。自此成離別。迴首望歸人。移舟逢暮雪。頻行識草樹。漸老傷年髮。惟有白雲心。爲向東山月。

徐凝 一作劉長卿

○江中對月

空洲夕烟歛。望月秋江裏。歷歷沙上人。月中孤渡水。

令狐楚

○遠別離

玳織鴛鴦履。金裝翡翠簪。畏人相問着。不敢到城南。

城南

孟簡

○擬古

劍客不誇貌。主人知取心。但營纖毫義。鍾云三字。是漢以後俠客真面目。肯計千萬金。勇發看鷲擊。憤來聽虎吟。平生貴疇德。刃敵無幽深。







短歌行

泗水行

雀飛多

春水曲

薊北旅思

西樓望月

聽夜泉

薊北春懷

思江南舊遊

夜到漁家

宿臨江驛

送遠客

嶺外逢故人

夜宿黑龍谿

隱者

襄國別友

宿廣德寺寄從舅

過賈島野居

送人任濟陰水

送安法師

山中酬人

寄李渤

賈島

遊僊

旅遊

雨後看劉

司馬池上

南池

雨夜同厲

玄懷皇甫荀

送安南惟

鑿法師

題李凝幽居

寄山中長

孫棲嶠

秋夜仰懷錢孟二公客會

送李戎持侍往壽安

贈胡禪師

暮過山村

劍客

渡桑乾

盧仝

白鷺鷥

馬蘭請客



李廓

鷄鳴曲

鏡聽詞

猛士行

長安少年行

又

又

送振武將軍

落第詩

李約

從軍行

城南訪裴氏昆季

唐詩歸第三十卷

景陵

鍾惺伯敬  
譚元春友夏

同選定

中唐六

張籍

鍾云張文昌妙情秀質而別有溫夷之  
氣。思緒清密。讀之無深苦之迹。在中唐  
最為縕藉。○譚云司業詩少陵所謂冰  
雪淨聰明。足以當之。



○野居

貧賤易為適。荒郊亦安居。端坐無餘思。彌樂古  
人書。秋田多良苗。野水多遊魚。我無耒與網。安  
得充廩廚。寒天白日短。簷下暖我軀。四肢漸寬  
柔。中腸鬱不舒。鍾云快樂未已忽多病減志氣。  
為客足憂虞。况復時節晚。覽景獨踟蹰。

鍾云法緊氣寬。古詩至此不得以中唐  
限之矣。○譚云有道氣。

○西州

羌胡據西州。近甸無邊城。山東收租稅。養我防  
塞兵。胡騎來無時。居人常震驚。嗟我五陵間。農  
者罷耘耔。邊頭多殺傷。士卒難全形。郡縣發丁  
役。丈夫各征行。生男不能養。懼身有姓名。良馬  
不念秣。烈士不苟營。所願除國難。再逢天下平。

○雜怨

切切重切切。秋風桂枝折。人當少年嫁。我當少  
年別。譚云淺念君昨征行。年年長遠途。妾身甘  
獨歿。高堂有舅姑。山川豈遙遠。行人自不返。



○別段生

鍾云一團厚道。古人之心。古人之言。

與子骨肉親。願共長相隨。况離父母傍。從我學詩書。同在道路中。講誦亦未窺。為文於我前。日夕生光儀。行役多疾疹。賴此相扶持。貧賤事俱難。今日有別離。我去秦城中。子留汴水湄。離情兩飄斷。豈異風中絲。幼年獨為客。舉動難為宜。努力自修勵。長如見我時。我時登山岡。再揖問還期。還期在新年。勿怨歡會遲。

○卧疾

身病始知道。卧讀神農經。空房夜留燈。譚云留燈二字

形神悄然四壁青熒熒。羈旅逐人歡。貧賤還自

不能再讀輕。鍾云以此二句為致今來問良醫。乃知病所

病之本。真境可憐生。僮僕各相憂。杵臼無停聲。見我形憔悴。勸藥

語丁寧。春雨枕席冷。窓前新禽鳴。開門起無力。

遙愛雞犬行。鍾云病中妙語服藥察耳目。漸覺

如酒醒。方悟養生者。不為憂患并。

○贈孟郊



歷歷天上星沈沈水中萍。幸當清秋夜流影及。微形君生衰俗間立身如禮經淳意發高文。

古人文章交游從獨有金石聲才名振京國歸

省東南行停車楚城下顧我不念程寶鏡曾墮

水不磨難自明苦節居貧賤所知賴友生歡會

方別離戚戚憂慮并安得在一方終老無送迎

鍾云真朋友實有此想

城南

漾漾南澗水來作曲池流言尋參差島曉榜輕

舟萬繞不再止千尋盡孤幽藻澀訝人重萍

分指魚遊繁苗毯下垂密箭翻迴朝曝鼈亂自

墜陰藤斜相鈎臥蔣黑米吐翻芰紫角稠橋低

競俯僂亭近閒夷猶目為遊勝朗手因掇芳柔

漸喜遊來極勿疑歸無由氣狀雖可覽纖微諒

難搜未聽主人賞徒愛清華秋

祭退之

嗚呼吏部公其道誠巍昂生為大賢姿天使光

我唐德義動鬼神鑒用不可詳獨得雄直氣發



為古文章學無不該貫吏治得其方三次論議  
退其志亦剛強再使平山東不言所謀藏鍾云  
薦待皆寒羸但取其才良親朋有孤稚婚姻有  
辦營如彼天有斗人可為信常如彼歲有春物  
宜得華昌哀哉未申施中年遽殂喪朝野良共  
哀矧於知舊腸籍在江湖間獨以道自將鍾云  
甚高正是說韓公知人擇交處學詩為眾體久乃溢笈囊略無  
相知人黯如霧中行北遊偶逢公盛語相稱明  
名因天下聞傳者入歌聲公領試士司首薦到

上京一來遂登科不見苦貢場觀我性朴直乃  
言及平生鍾云可見古人師友由慈類朋黨骨  
肉無以當坐令其子拜常呼幼時名追招不隔  
日斷踐公之堂出則連轡馳寢則對榻牀搜窮  
古今書事事相酌量有花必同尋有月必同望  
為文先見草釀熟偕共觴新果及異鮭無不相  
待嘗到今三十年曾不少異更譚云難公文為  
時帥我亦有微聲而後之學者或號為韓張鍾  
何等我官麟臺中公為大司成念此委未秩不  
名根



能力自揚，特狀為博士。始獲升朝行，未幾享其  
 資。遂忝南宮郎，是事賴拯扶。如屋有棟梁，去夏  
 公請告。養疾城南莊，籍時官休罷。兩月同遊翔，  
 黃子陂岍曲。地曠氣色清，新池四平漲。中有蒲  
 荇香，北臺臨稻疇。茂柳多陰涼，板亭坐垂釣。煩  
 苦稍已平，共愛池上佳。聯句舒遐情，偶有賈秀  
 才。譚云挿來茲亦間并。移船入南溪，東西縱篙  
 根。劃波激船舷，前後飛鷗鷺。回入潭瀨下，網截  
 鯉與魴。踏沙掇水蔬，樹下丞新秬。日來相與嬉

不知暑日長，柴翁携童兒。聚觀於岍傍，月中登  
 高灘。星漢交垂芒，釣車擲長綫。有獲齊歡驚，夜  
 闌乘馬歸。衣上草露光。鍾云佳景佳句奏手公為游溪詩，  
 唱咏多慨慷。自期此可老，結社於其鄉。籍受新  
 官詔，拜恩當入城。公因同歸還，居處隔一坊。中  
 秋十六夜，魄圓天差晴。公既相邀留，坐語於階  
 楹。乃出二侍女，合彈琵琶箏。臨風聽繁絲，忽遽  
 聞再更。顧我數來過，是夜涼難忘。鍾云深情公  
 疾浸日加，孺人視藥湯。來候不得宿，出門每迴



遑自是將重危。車馬候從橫。門僕皆逆遣。獨我到寢房。公有曠達識。死生為一綱。及當臨終辰。意色亦不荒。贈我珍重言。傲然委衾裳。公比欲為書。遺約有脩章。令我署其末。以為後事程。家人號於前。其書不果成。子符奉其言。甚於親使令。魯論未迄註。手跡今微茫。新亭成未登。鍾云此語最可閉在莊西廂。書札與詩文。重疊我筥盈。頃息萬事盡。腸情多摧傷。舊塋明津北。野窆動鈺。柳車一出門。終天無迴箱。籍貧無贈貲。曷用

申哀誠。衣器陳下帳。醪餌奠堂皇。明霽庶鑒知。秀髯斯來饗。

鍾云志狀誄傳。借一詩吐之。人品交情。無復有餘。予嘗走筆作譚太公祭文。而一志銘累年不成。文之行止。視乎情耳。

○白紵歌

皎皎白紵白且鮮。將作春衣稱少年。裁縫長短不能定。自持刀尺向姑前。復恐蘭膏汗。纖指常遺傷。人收墮珥。鍾云此語畧帶艷情衣裳着時寒。食下還



把玉鞭鞭白馬。

鍾云情深而正。

○野老歌

老翁家貧在山住，耕種山田三四畝。苗疎稅多

不得食，輸入官倉化為土。歲暮鋤犁倚空室，呼

兒登山收橡實，西江買客珠百斛。船中養大常

食肉。鍾云語有經國隱憂

○寄衣曲

鍾云至情重義，無此不成樂府。

織素縫衣獨苦辛，遠因回使寄征人。官家亦自

寄衣去，貴從妾手着君身。高堂姑老無侍子，不

得自到邊城裏。慙慙為看初着時。譚云情想在此三字征

夫身上宜不宜。譚云深曲之想說來全不費力

○送遠曲

戲馬臺南山簇簇，山邊飲酒歌別曲。行人醉後

起登車，席上回尊勸。僮僕青天漫漫覆長路。鍾云

奇語真景遠遊無家安得住，願君到處自題名。他日

知君從此去。



○別離曲

鍾云字字怨却不宜作怨詩看

行人結束出門去幾時更踏門前路憶昔君初  
納采時不言身屬遼陽戍早知今日當別離成  
君家計良為誰男兒生身自有役那得誤我少  
年時不如逐君征戰死誰能獨老空閨裏

○牧童詞

遠牧牛繞村四面禾黍稠陂中饑鳥啄牛背令  
我不得戲攏頭入陂草多牛散行白犢時向蘆

中鳴隔堤吹葉應同伴還敲長鞭三四聲牛羣  
食草莫相觸官家截爾頭上角

○古釵嘆

古釵墮井無顏色百尺泥中今復得鳳凰宛轉  
有古儀欲為首飾不稱時女伴傳看不知主羅  
袖拂拭生光輝蘭膏已盡股半折雕文刻樣無  
年月雖離井底入匣中不用還與墜時同

鍾云  
達甚

○節婦吟

君知妾有夫贈妾雙明珠感君纏綿意繫在紅



羅襦妾家高樓連苑起。良人執戟明光裏。知君  
用心如日月。事夫誓擬同生死。還君明珠雙淚  
垂。何不相逢未嫁時。鍾云節義肝腸以情款語出之妙妙

○樵客吟

山上採樵選。枯樹深處樵多出。辛苦秋來野火  
燒。櫟林枝柯已枯堪採取。斧聲坎坎在幽谷。採  
得齊稍青葛束。日西待伴同下山。竹擔彎彎向  
身曲。共知路傍多虎穴。未出深林不敢歇。村西  
地暗狐兔行。稚子叫時相應聲。譚云是暗採樵

客莫樵松與栢。松栢生枝直且堅。與君作屋成

家宅。鍾云有深意。

○烏棲曲

西山作宮花滿池。宮烏曉鳴茱萸枝。吳姬采蓮  
自。唱曲。君王昨夜船中宿。鍾云妙在賣弄之意不甚說明而景中言

○短歌行

青天蕩蕩高且虛。上有白日無根株。流光暫出  
還入地。使我少年不須臾。與君相逢勿寂寞。衰



老不復如今樂。金卮盛酒置君前。再拜勸君千

萬年。鍾云淺  
朴可詠。

○泗水行

泗水流急石纂纂。鯉魚上下紅尾短。春冰消散  
日雪滿。行舟往來浮橋斷。城邊漁市人早行。水  
煙漠漠多棹聲。

鍾云靜而淡。○譚云此首較他作調最  
古。

○雀飛多

雀飛多觸網羅。網羅高樹巔。汝飛蓬蒿下。勿復  
投身網羅間。粟積倉禾在田。巢之雛。望其母來  
還。

鍾云音節妙

○春水曲

鴨鴨嘴啜啜。青蒲生春水。狹蕩漾木蘭船。中有  
雙少年。少年醉。鴨不起。

○薊北旅思

日日望鄉國。空訝白紵詞長。因送人處。憶得別



家時。鍾云其實深以失意還獨語。多愁祇自知。  
其流便不覺

客亭門外柳折盡向南枝。

譚云盡字苦

○西樓望月

城西樓上月復是雪晴時。寒夜共來望。思鄉獨  
下遲。幽光落冰塹。淨色遍霜枝。明日千里去。此  
中還別離。

○聽夜泉

細泉深處落。鍾云三字夜久漸聞聲。獨起出門  
聽。欲尋當澗行。還疑隔林遠。復畏有風生。譚云靜思

月下長來此。無人亦到明。

○薊北春懷

渺渺水雲外。別來音信稀。因逢過江使。却寄在  
家衣。問路更愁遠。逢人空說歸。今朝薊城北。又  
見塞鴻飛。

鍾云妙於用虛。生情生力。

○思江南舊遊

江華三月時。花發石楠枝。歸客應無數。春山自  
不知。鍾云幽極獨行愁道遠。回信畏家移。楊柳東



西度茫茫欲問誰

○夜到漁家

漁家在江口。潮水入柴扉。行客欲投宿。主人猶未歸。竹深村路遠。月出釣船稀。遙見尋沙岸。春風動草衣。

○宿臨江驛

楚驛南渡口。夜深來客稀。月明見潮上。江靜覺鷗飛。旅宿今已遠。此行猶未歸。離家久無信。又聽搗寒衣。

○送遠客

南原相送遠。秋水草還生。鍾云聞心靜境在此五字同作憶鄉客。如今分路行。因誰寄歸信。漸遠問前程。明日重陽節。無人上古城。

譚云一氣悲感。全是起二句襯出。

○嶺外逢故人

過嶺萬餘里。旅遊經此稀。相逢去家遠。共說幾時歸。海上見花發。瘴中唯鳥飛。炎州望鄉伴。自識北人衣。



○夜宿黑龍谿

夜到碧谿裏，無人秋月明。逢幽更移宿，取伴亦探行。花下紅泉色，雲西乳鶴聲。明朝記歸處，石上自書名。

○隱者

先生已得道，市井亦容身。救病自行藥，得錢多與人。問年長不定，傳法又非真。常見鄰家說，時聞使鬼神。

○襄國別友

曉色荒城下，相看秋草時。獨遊無定計，不欲道來期。別處去家遠，愁中驅馬遲。歸人渡煙水，遙映野棠枝。

○宿廣德寺寄從舅

古寺客堂空，開簾四面風。移牀動榭，鳴鴉停燭聚。飛蟲聞臥逐，涼處遠愁生。靜中譚云真體認林西微，月色思與甯家同。

○過賈島野居

青門坊外住，行坐見南山。此地去人遠，知君終



日間蛙聲籬落下，草色戶庭間。好是經過處，唯愁暮獨還。

○送人任濟陰

黃綬在腰下，知君非旅行。鍾云絕似岑嘉州將書報舊

里，留褐與諸生。贈別盡沽酒，惜歡多出城。春風

濟水上，候吏聽車聲。

○水

蕩漾空沙際，虛明入遠天。秋光照不極，鳥色去無邊。勢引長雲闊，波輕片雪連。江洲杳難測，萬

古覆蒼煙

○送安法師

出郭見落日，別君臨古津。遠程無野寺，宿處問何人。原色不分路，錫聲遙隔塵。山陰到家節，猶及蕙蘭春。

○山中酬人

山中日暖春鳩鳴，逐水看花任意行。向晚歸來石窓下，菖蒲葉上見通名。

○寄李渤



五度谿頭躑躅紅。嵩陽寺裏講時鐘。春山處處行應好。一月看花到幾峰。

賈島

遊仙

借得孤鶴騎。高近金烏飛。掬河洗老貌。照月生光輝。天中鶴路直。天盡鶴一息。歸來不騎鶴。身自有羽翼。若人無仙骨。芝朮無煩食。

旅遊

此心非一事。書札若為傳。舊國別多日。故人無少年。空巢霜葉落。疎牖水螢穿。留得林僧宿。中宵坐默然。

雨後宿劉司馬池上

藍谿秋漱玉。此池漲清澄。蘆葦聲兼雨。芰荷香遶燈。岸頭秦古道。亭面漢荒陵。靜想泉根本。幽崖落幾層。

南池

蕭條微雨絕。荒岸抱清源。入舫山侵塞。分泉稻接村。秋聲依樹色。月影在蒲根。淹泊方難逐。他



宵關夢魂

○雨夜同厲玄懷皇甫荀

桐竹繞庭匝。雨多風更吹。還如舊山夜。卧聽瀑  
泉時。磧鴈來期近。秋鐘到夢遲。溝西吟苦客。中  
夕話兼思。

○送安南惟鑒法師

講經春殿裏。花繞御床飛。南海幾迴過。舊山臨  
老歸。潮搖蠻草落。月濕島松微。空水既如彼。往  
來消息稀。鍾云深。

○題李凝幽居

閒居少隣並。草徑入荒園。鳥宿池邊樹。僧敲月  
下門。過橋分野色。移石動雲根。暫去還來此。幽  
期不負言。

○寄山中長孫棲嶠

此時氣蕭颯。琴院可應關。鶴似君無事。風吹雨  
過山。松生青石上。泉落白雲間。有徑連高頂。心  
期相與還。

○秋夜仰懷錢孟二公琴客會



月色四時好。秋光君子知。鍾云語重而幻南山昨夜雨。

為我寫清規。獨鶴聳寒骨。高杉韻細颺。仙家縹

緲弄髣髴。此中期。吳若白雲山。古詩。或言。或言。

送李戎持侍往壽安

二千餘里路。一半是波濤。未曉著衣起。出城逢

日高。關山多寇盜。伏侍帶弓刀。臨別不揮淚。誰

知心鬱陶。

贈胡禪師

自是根機鈍。非關夏臘深。秋來江上寺。夜坐嶺

南心。井鑿山含月。風吹磬出林。祖師携隻屐。去

路杳難尋。

暮過山竹

數里聞寒水。山家少四鄰。怪禽啼曠野。落日恐

行人。初月未終夕。邊烽不過秦。蕭條桑柘外。煙

火漸相親。

劍客

十年磨一劍。霜刃未曾試。今日把似君。誰有不

平事。



渡桑乾

客舍并州已十霜。歸心日夜憶咸陽。無端更渡桑乾水。却望并州是故鄉。

盧仝

白鷺鷥

鍾云笑盡名利熱中人。

刻成片玉白鷺鷥。欲捉織鱗心自急。翹足沙頭不得時。傷人不知謂閒立。

馬蘭請客

蘭蘭是小草。不怕郎君罵。願得隨君行。暫到嵩山下。

鍾云似讀曲聲想。

李廓

鍾云便娟儁爽。艷情俠骨。心口足以兼之。別具靈慧。

雞鳴曲

星稀月沒入五更。膠膠角角雞初鳴。征人牽馬出門立。辭妾欲向安西行。再鳴引頸簷頭下。月。



中角聲催上馬。纔分地色第三鳴。鍾云直寫節次無限情事

委折其中旌旆紅塵已出城。婦人上城亂招手。夫婿

不聞遙哭聲。長恨雞鳴別時苦。不遣雞棲近牕

戶。譚云樂府妙想

○鏡聽詞

鍾云王建亦有此詞。說向喜邊。此專說

向悲邊。苦情則一。而此詩入景更深。婉

匣中取鏡。祠竈王。羅衣掩盡明月光。昔時長着

照容色。今日潛將聽消息。門前地黑人來稀。無

人錯道朝夕歸。鍾云錯道二字如何入想更深弱體冷如鐵。

繡帶菱花懷裏熱。譚云悲苦熱字銅片銅片如有靈。

願得照見行人千里形。鍾云鏡聽說向照上無聊之甚

○猛士行

戰鼓驚沙惡天色。猛士虬鬚眼前黑。單于衣錦

日行兵陣頭。走馬生擒得幽并少年不敢輕。虎

狼穴裏空手行。

○長安少年行

遨遊携艷妓。裝束似男兒。杯酒逢花住。笙歌簇



馬吹鶯聲催曲急。春色送歸遲。不以聞街鼓。華筵待月移。

又

戟門連日閉。苦飲惜殘春。開鎖通新客。教姬屈醉人。清詞牽白馬。自舞踏紅茵。時輩皆相許。平生不負身。

又

小婦教鸚鵡。頭邊喚醉醒。犬嬌眠玉簾。鷹掣撼金鈴。碧地攢花障。紅泥待客亭。雖然長按曲。不

飲不曾聽

○送振武將軍

葉葉歸邊騎。風頭萬里乾。金裝腰帶重。錦縫耳衣寒。蘆酒燒蓬暖。霜鴻撚箭看。黃河古城道。秋雪白漫漫。

○落第詩

鍾云此詩愁苦極矣。要是胸中高興人所為。不然。不如是之趣。

牋前潛制淚。衆裏自嫌身。氣味如中酒。情懷似



別人

鍾云入想甚遠說來却甚切

暖風張樂席晴日看花塵

盡是添愁處深居乞過春

李約


○從軍行

候火起鵬城塵沙擁戰聲遊軍藏虜幟降騎說  
蓄情露落彪池淺秋深太白明嫖姚方虎視不  
覺說添兵

○城南訪裴氏昆季

相思起中夜夙駕訪柴荆早霧桑柘隱曉光溪

澗明村蹊蒿棘間往往斷新耕貧野煙火微盡  
無鳥鳶聲田頭逢餉人道君南山行南山千里  
峯盡是相思情野老無拜揖村童多躑形相呼  
看車馬顏色喜相驚荒圃雞豚樂雨牆禾莠生  
欲君知我來壁上空書名





香車馬賊白喜眠驚荒圃驟粗樂雨蘇禾萎坐

峯盡吳眠思辭裡朱無耗對林童冬艱汗卧平

無鳥漁羣田煎套喻人戲昏南山行南山千里

職即林劉蒿棘間卦卦穉穉棘貧裡野火燄盡



